



Siverth K. Heilmann  
Atassut

UKA 2021/47-73-29  
19. oktober 2021

**Naqinnernik ilisarsisinnaangitsunut kalaallisut programimik ikiutunik sanasoqarsinnaanissaa pillugu nalunaarusiamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq, Aslak W. Jensen, Siumut)

**Inatsisartut isummerfigisassaattu siunnersuut Naalakkersuisut peqquneqassasut kalaallisuumik naqinnernik ilisarinnissinnaangitsunut misissuummik ineriartortitsisoqarlunilu atuutilersitsisoqarnissaannik meeqqat atuarfianni ilinniarfinnilu ingerlariaqqiffiusuni atorpeqartussatut.**  
(Inatsisartuni ilaasortaq, Nivi Olsen, Demokraatit)

**Meeqqat, inuusuttut inersimasullu akornanni naqinnernik ilisarinnissinnaangitsut aamma atuarnermik allannermillu ajornartorsiuteqartut pillugit nuna tamakkerlugu iliuusissanik pilersaarusiornissamat Naalakkersuisut peqquneqarnissaannik Inatsisartut aalajangiiffigisassaattut siunnersuut.**  
(Inatsisartuni ilaasortaq, Sofia Geisler, Inuit Ataqatigiit)

Atassummiit Inatsisartunut ilaasortat Sofia Geisler (Inuit Ataqatigiit), Aslak W. Jensen (Siumut) aamma Nivi Olsen (Demokraatit) aalajangiiffigisassatut siunnersuuteqarnissinnut qujanaq, imatullu Atassummiit oqaaseqarfigissavagut.

Ilumoorpoq meeqqat, inuusuttut inersimasullu akornanni, naqinnernik ilisarinnissinnaangitsut, atuarnermik allannermillu ajornartorsiuteqartoqartarneq pillugu, inatsisartuni UKA 2011-imi iluarsiiniarluta suliaqareernikuunerput, taamaattorli 2014-imi qinersisoqarneranut atatillugu suliaq kinguaattoormat.

Atassummiit siunnersuuteqartut isumaqatigilluinnarpagut, meeraappata inersimasuuppataluunniit naqinnernik ilisarinnissinnaangitsunut allatuulli puigorneqaratik pisariaqartitaannut politikikkut aqutissiuunneqartuartaqartut.

Ilami meerarpassuit inersimasunngoreersullu, naqinnernik ilisarinnissinnaangikkaluarlutik, qanoq assigiinnigitsutigut pikkoriffeqartigisarnerat aammalu inersimasut ilinniarluarsimasut mekanikeriuppata radio-lerisuuppata iluarsineq ajuligaannut, ajornartorsiutiginnuarnagu iluarsiinnaanerat, nammineq takunnittarsimanagera assersuuteqalaarpunga.

Maniitsumi "Pilersitsivik"-mik taasakkatsinni assigiinnigitsutigut ilinniartilluarneqarnermikkut, inuttut inerikkiartorneq suliffeqalernermikkut pitsaalluinnartumik aqutissiuunneqartarnerat

allanisuulli angusaqartarnermikkut allagartartaarnikuupput. Taamatut politikikkut aqutissiuussinigit, unittuinnartussaagaluit sulinerikkut pilersueqataasernerat annertusartuartaqarparput.

Siunnersuuteqartunut Naalackersuisut akissuteqarluarsimanerat suliallu naammassineqartariaqarnerannik siunnerfeqarnerat, Atassummiit maluginiarparput iluarisimaarluinnarlugulu.

Taamatut naatsumik Atassummiit oqaaseqarluta, suliap aappassaaneerreqartigani ataatsimiititaliami susassaqtumut ingerlanneqarallarnissaa inassutigissavarput.

Qujanaq.